

SAN JUAN KARTA NMEHTEWE'SX

Gayo ew yūuna fxi'zeni's we'weni

¹ Thē'j jīna kxsusu'tx txāath fxi'ja' naa karta's adx peeygāanisa Gayo's weçxana.

² Yakhthē'j peeygāanisa, adxa' iidx pa'gate Dxus yakh puutx we'wena ūsthu kīhtewa ewçxáa āça'mée fxi'zekahn, ma'wēga Dxus yakh çxhāçxha fxi'ze' txā'wēy.

³ Idxa' Dxus we'weni isasa's jxpubamée Dxus yakh ew fxi'zeni's yakhthē'jwe'sx pa'jçxa pta'sxte', wala weçxath.

⁴ Adxa' kīh yuhnawa txā'wē yu' weçxa'çmeeth, naasáa adx luuçxwe'sx txā'wē Dxus we'weni isasa's jxpubamée ūsta' jīna pta'sxni yuuçxáak jxthaakwe ya'weçxa'.

⁵ Yakhthē'j peeygāanisa idxa' bagaçxtewa pu'vxitumée selpiina ūsgu vxite kiweju yakhthē'jwe'sx kxtee pa'jsatx pu'çxna.

⁶ Txāawe'sxa' ayte yakhthē'jwe'sx pkhaakhenite pta'sxtxi iidx peeygāhna pu'çxni's. Txāasa bagaçxtewa meen pu'çx txāawe'sx dxi'the u'jwa'j peejini's Dxus weçxakahn.

⁷ Txāawe'sxa' kasehtx Jesukristo kaapiya'jni's pta'sxna u'juya', nawa dxi'the u'jwa'j peejini's pēyi'çmeeta' Dxusa's jiimeesa yuutxi's.

⁸ Txāa pa'ga kwe'sxa' kīh peejiçtewa pu'çxhi ji'ptha'w Dxus we'weni isasa's pta'sxsatxi'.

Txã'wě yūunisa Dxus yuwe's jxukaysa ja'daçxah mjĩini yaase'.

Diótrefxes ewmée yūuna fxi'zeni

⁹ Adxa' teeçx karta fxi'th kxtee pkhaakhe-sawe'sxtxi, nawa Diótrefxes yu' nwěese'jme' kwe'sx we'weni's txãaçxáa jxkaahna ũs wěeçxa.

¹⁰ Txãa pa'ga adxa' pa'jçxa txã'sa' pa'yaçxa we'we'nja, txã'wě yuwe susna kwe'sxtxi nuywe'wena u'jupa'ga. Txã'wěçxáa yūumée, vxite ekaju yakthē'jwe'sx pa'jsatx jxpa'gaçme', sa' vxite jxpa'ga wěesa yuutxi's ahçeçxa txãa pkhaakhenijũ kutxi'ji'k.

¹¹ Yakthē'j peeygāanisa, ewmeesa na'wěy yu' fxi'zewa'jme', naasáa ewsa ma'wě fxi'zeçte', txã'wě yuuçxáa fxi'zewa'ja'. Ew yūuna fxi'zesa' Dxus yakh fxi'zesa'. Nawa ewmée yūusa', Dxus yakhmée fxi'zesaçxa txã'wě yuuna.

Demetrio ew fxi'zeni

¹² Demetrio' wala ewsa' jĩnatx we'we' jxukaysa. Txã'wě ew fxi'zete', txajx ew fxi'zeni iıçxáa nwe'we'k. Aça' kwe'sxwa jiıtha'w txã'wě ew fxi'zeni's. I'kwe'sxa' peekx jii i'kwe kwe'sx isa we'weni's.

Nmehte we'wena fxi'jni

¹³ Adxa' wala puutx we'wewa'j ji'pthu, nawa fxi'jçxa kajaçmeeth,

¹⁴ dud puutx uyçxa puutx we'we'nja sũhçxa.

¹⁵ Ayjxuwe'sx namiku idxa's wala yuwe weçxaa kaja'tx. Kxsũ namikuwe'sxtxiwa teeçxsa na'wěçxah yuwe meen weçxa. Dxus yakh mfxi'ze.

Dyus Yuwe U'sesa
Páez: Dyus Yuwe U'sesa New Testament

copyright © 2011 Wycliffe Bible Translators, Inc.

Language: (Páez)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

06da09f4-8d0f-5001-ae8c-0e6aa0131ffd